

Akilerarusiinernik aalajangiisartut aalajangiussa

Suliap ilisamaataa:	2008-1912-02
Aalajangiiffineqarpoq ulloq:	19. december 2008
Aalajangiussa saqqummiunneqarpoq:	20.april 2010
Ukioq naatsorsuiffusoq:	2007
Pineqarpoq:	Akileraarutit
Pineqartumi oqaasertat:	
Aningaasarsiat A- jusut, aningaasarsiat, sullissinermut tunngassutillit, namminersorluni inuussutissarsiummik ingerlatalik	

Eqikkaaneq

Suliami pineqartut tassaapput, aningaasiasianit (vederlag) akileraarutit A- at, Kalaallit Nunaanni Namminersornerullutik Oqartussat, siunnersortip suliaanut akissarsiaritineqartunit pisut. Suliap suliarineqartut ilaatigut Kalaallit Nunaanni aammalu, akissarsianik tiguisup, Danmarkimi aalajangersimasumik nammineq najugaqarfiani suliarineqarput. Akileraarutit Siunnersuisoqatigiit isumaqarput, matumani aningaasarsiat (honorar) pineqartut, taakkulu sullissinermut tunngassutillit imaluunniit namminersorluni suliffimmik ingerlataqarnermut inissineqarsinnaanngitsut. Akileraarutit Siunnersuisoqatigiit oqaatigivaat, aningaasarsiat taamaattut tassaasut aningaasarsiat (honorar) A – jusut, taakkunanngalu akileraarutit A – at akilerneqassasut.

Suliami pissutsit piviusut

Inuup ataatsip, Kalaallit Nunaanni Namminersornerullutik Oqartussanit, siunnersortit suliaqarnermini akissarsiasianit tiguai. Pineqartoq Danmarkimi najugaqartuuvoq, suliaassallu ilaatigut Kalaallit Nunaanni, ilaatigullu Danmarkimi aalajangersimasumik angerlarsimaffimminiit suliarisimallugit.

Suliap annertunersaat, suliaakkiisumit ataatsimit suliaakkiutigineqarput: Sulisoqarnermut Inuussutissarsiuutitigullu Pisortaqaqarfiimit. Suliap inissisimaneranut atatillugu, siunnersortaasoq suliaq suliarinerani, nammineerluni aningaasatigut navianartorsiuunngitsooq ilisimatitsissutigineqarpoq.

Akileraartarnermut Siunnersuisoqatigiit, 2007 – imi novemberimi nalunaarput, aningaasarsiat aningaasarsiatut (vederlag) A – tut isigineqartut, taamaammallu Kalaallit Nunaanni Namminersomerullutik Oqartussanit, aningaasarsiat tunniunnerini akileraarutit A- t peerneqassasut. Siunnersortip piumasarivaa, aningaasarsiat namminersorluni ingerlataqarnermi aningaasarsiatut isigineqassasut, taamaammallu akileraarutit A - t ilanngaaticigineqassanngitsut piumasaralugu.

Malittarisassat piviusunngortitsinerlu

Aningaasarsianit akileraarutit pillugit Inatsisartut inatsisaat nr. 12, 2. november 2006-imeersoq

- **§ 75.** *Aningaasarsianut A-nut naatsorsuunneqarput:*
 - 1) *Sulisussarsiarineqarluni nammineerluni sulinerlut aningaasanngorlugit aningaasarsiat suulluunniit, ilaallutik aningaasarsiat (nalinginnaasut), feeriarnerisutit, aningaasarsiat, iluanaarutinit kajumissaatitut akiliutit, kiffartulussinnarnaveeqqutisiat, drikkepengit akiliutillu taakku assigisaat. Aningaasanngorlugit aningaasarsiat taamaallaat aningaasarsiat A-jussapput tamanna pillugu Naalakkersuisut malittarisassaliorsimanerattut annertutigisumik.*
 - 2) *Siulersuisunut, ataatsimiititalianut, kommissioninut, siunnersuisoqatigiinnut assigisaannullu ilaasortaanermi ikiortaanermiluunniit aningaasarsiat.*

Imm. 2. Malittarisassiat Naalakkersuisunit aalajangersarneqarsimasut najoqqutaralugit aningaasarsianut A-nut naatsorsuunneqarsinnaapputtaaq:

 - 1) *Aningaasarsiat allat tassaasut inuussutissarsiatutillip aningaasarsiat akissaajaatinik ilanngariikkat, aamma*
 - 2) *aalisarnermit, piniarnermit, aallaaniarnermit, savaateqarnermit sanalunnermillu tunisassianik Kalaallit Nunaanni tunisinermi aningaasarsiat selskabit, peqatigiiffiit assigisaasaluunniit tunisarinngippatigit.*
- *Imm. 5. Nalornisoqartillugu Naalakkersuisut, aningaasarsiat, aningaasarsiatut A-tut, B-tulluunniit isigineqassanersut aalajangissavaat.*

- Akileraartarnermut Pisortaqaarfiup ilitsersuutaanit "akileraarutinit ilanngaasarneq" – mit tigusat:
- *"Aningaasarsiat A - t tassaanerupput aningaasarsiat, tapiissutinit sunilluunniit ilallit, sulisitsisup sulisissallugu atorfinitsitaminut (akissarsialimmut) akissarsiarititassai. Akiliutit ilaat aamma aningaasarsiatut A – tut inissisimapput, assersuutigalugu, siulersuisuni ilaasortaanermi aningaasarsiat, pensionit aamma utaqqinersutit, nipilersormermik ingerlataqarnermi aningaasarsiat (vederlag), iminneqarlutik nutserisartut, il.il. akissarsianit akileraarutit pillugit inatsimmik § 37 – imik aamma nalunaarummik pineqartumut attuumassutilimmit aallaavillit".*

Periuutsit atornewartartut aallaavigalugit, sullissinermit tunngassutillit avataasigut, inuttut sullissinermit aningaasarsiat aamma aningaasarsiatut A – tut isigineqassapput, namminersorluni suliffeqarnermik ingerlatsinermit akissarsiaanngikkunik. Oqaatsit isumaannut tunngatillugu, oqaaseq "aningaasarsiat" (honorar) aamma aningaasarsiat (vederlag), sulianut sullissinermit tunngassutilinni imaluunniit namminersorluni suliffeqarfimmik ingerlatsinermit, akissarsianut attuumassuteqanngillat.

Sullissinermit tunngassuteqarnerseq imaluunniit namminersorluni suliffeqarfimmik ingerlatsinerit taaneqassanersseq inissinniarlugit, Akileraarutitigut nalikilliliisarnerit il.il.pillugit kaajallaasitami nr.1 – imi, 15. januar 2002 – minngaaneersumi allaqqasut aallaavigineqassapput:

• *"3.2 Namminersorluni inuussutissarsiummik ingerlatalik / sullissinermit tunngassutillit*

Namminersorluni inuussutissarsiummik ingerlatsineq tassaaneruvoq, suliffeqarfimmik, aningaasatigut iluanaarutaanissaa siunertaralugu, nammineq akilersorlugu navianartorsiorfigisinnaallugulu, ingerlatsineq.

Tamatumunnga toqammaviusussaq tassaavoq, suliffeqarfiup sapinngisamik ataavartumik ingerlanneqarnissaa, piffissaq sivikitsuinnaq atornagu, taamatuttaarlu suliffeqarfik, appasinnerpaafimmiilluni suliaqartussaannilaq. Matumani akileraartussaataasup, akissarsianik isertitaqartuunera apeqqutaassanngilaq.

Namminersorluni inuussutissarsiummik ingerlataqarneq pineqarnerseq nalilerniarlugu, makkua pingaarnertut inissinneqarsinnaapput:

a) *Akissarsianik tiguisuusup, suliakkiisumit, suliakkiinerup saniatigut, allatigut ilitsersuinertaqanngitsumik suliassaq piareersassavaa, aqussavaa, suliassanik agguataarissaaq, nakkutilliusussaallunilu.*

b) *Suliakkiisup, akissarsianik tiguisuusup tungaanut, pisussaaffii, taamaallaat suliakkiissutaasumut tunngassuteqassapput.*

c) *Akissarsianik tiguisuusup, suliakkiissut pissutigiginagu, suliap sularinera ilutigalugu, suliassanik allanik tigusinissaa killeqarpat.*

d) *Akissarsianik tiguisuusup, suliap sularinerani, suliakkiisumut aningaasatigut akisussaaffeqarpat, imaluunniit aningaasatigut navianartorsiorsinnaanermi akisussaaffik nammineq tiguppagu.*

e) *Akissarsianik tiguisuusup, sulisunik atorfinitsitsimappat, aammalu nammineq ikiortilersinnaanera periarfissaappat.*

f) *Akileeqqusissut tunniunneqareerpat aningaasarsiat (vederlag) aatsaat tunniunneqassappata, sularlu isumaqatigiissut tunngavigalugu naammassineqareerpat, amigaataasinnaasullu isumannaarneqareerpat, aningaasarsiat tamakkerlutik tunniunneqassappata.*

g) Aningaasarsiat, suliakkiisunit aalajangersimanngitsunit toqqammaveqarlutik, ataavartinneqarpata.

h) Akissarsiani, iluanaarutaasinnaanut apeqqutaappata.

i) Akissarsianik tigusisuusooq, atortunik, maskiinanik, sakkunik assigisaannillu atorpeqartunik piginnittuuppat.

j) Akissarsianik tigusisuusup, suliap naammassinissaanut, atortussanik tamakkiisumik ilaannakortumilluunniit tunniussippat.

k) Akissarsianik tigusisuusooq, ininik sullivinnik nammineq peqalersimappat, assersuutigalugu niuertarfik, sannavik, allaffik, nakorsiartarfik, titartaasarfik il.il, suliarlu tamakkiisumik ilaannakortumiilluunniit tassani suliarineqarpat.

l) Akissarsianik tigusisuusumut, inuussutissarsiummik suliaqarneq immikkuullarissumik piginnaassuteqartitaaffiuppat, akuersissummik assigisaannillu peqarpap, akissarsianillu tigusisuusooq, akuersissummik pineqartumik peqarpap.

m) Akissarsianik tigusisuusooq, neqerooruteqarnikkut, allagartaliinikkut imaluunniit allatigut, nammineq suliamut tunngasunik ilisimasaqarnini ilisimatitsissutigippagu, aammalu suliaq aalajangersimasooq suliarissallugu tiguppagu.

n) Suliap suliarinerani ajutoortoqassagaluarpat, akisussaaffik, akissarsianik tigusisuusup tigummippagu. Sullissinermut tunngassuteqarnerooq nalilersussagaanni, pingaarnertut toqqammavissat tassaasinnaapput:

o) Suliap suliarinissaanut, suliakkiisooq, ilitsersuutinik nalinginnaasunik, aalajangersimasunilluunniit aalajangersaasinnaappat, matumani ilaallutik misissuineq aamma nakkutilliineq.

p) Akissarsianik tigusisuusooq, tamakkiisumik aalajangersimasumik imaluunniit annertunerusumik aalajangersimasumik, suliakkiisartoqarpap.

q) Suliakkiisup aamma akissarsianik tigusisuusup akornganni, ataavartumik suliassaqartitsinissaq isumaqatigiissutaasimappat.

r) Akissarsianik tigusisuusup piffissaq suliffigisaa, suliakkiisumit aalajangersarneqarsimappat.

s) akissarsianik tiguisuusoq, atorunaarsitsinissamik nalunaarfigineqarnissaminut piginnaatitaaffeqarpat.

t) Aningaasarsiat, (vederlag) sullissinermut tunngassutillit nalinginnaasut tunngavigalugit, naatsorsorneqarpata (akunnermusiat, sapaatip akunneranut aningaasarsiat, qaammammut aningaasarsiat, tuniniaassinermi aningaasarsiat, akkorternermi aningaasarsiat il.il.)

u) Aningaasarsiat (vederlag), piffissami aalajangersimasumi tunniunneqarpata.

v) Suliap sularinerani aningaasartuutit suliakkiisumit akilerneqarpata.

x) Akissarsianik tiguisuusup akissarsiaanit, ilanngaattissat ilanngaatigereerlugit, aningaasarsiat tunniunneqarpata.

y) Akissarsianik tiguisuusoq, feriartarnermut inatsit aammalu sullivimmi isumannaallisaanermut inatsit tunngavigalugit, suliaqartutut isigineqarpat.

Immikkoortuni taakkartorneqartuni, namminersorluni inuussutissarsiummik ingerlataqarneq aamma sullissinermut tunngassutilinnik suliaqarneq, apeqqutaanngillat, taakkartorneqartullu, pisuni assigiinngitsuni, naligiissumik pingaaruteqartaratik.

Pissutsit piviusut imaasinnaapput, suliakkiisup aamma akissarsianik tiguisuusup akornganni, sullissinermut tunngassutillit aalajangersarneqarsimasinnaasut, ilaatigullu namminersorluni inuussutissarsiummik ingerlatalittut taaneqarsinnaassalluni. Taamatut pisoqarnerini, ataatsimoortumik nalilersuineq tunngavigalugu aalajangiisoqartassaaq.

Pissutsit piviusut malillugit, matumani naliliiffigineqartussat tassaapput, akissarsianik tiguisuusup aamma suliakkiisup akornganni, pissutsit atuuttut. Suliakkiisut arlaliuppata, akissarsianik tiguisuusoq, taamaasilluni namminersorluni inuussutissarsiummik ingerlatalittut akissarsiaqartuusinnaavoq, tamannalu ilutigalugu aamma akissarsialittut inissisimasinnaalluni. Pissutsit ataasiakkaat nalilersornerini, akissarsianik tiguisuusup, nammineq inussutissarsiuutimigisami iluani, namminersortutut inissisimanersoq pingaartinneqarsinnaavoq.

Akilerartarnermut Siunnersuisoqatigiit nalilersuinerat tunngavilersuutaallu

Akilerartarnermut Siunnersuisoqatigiit, ataatsimoortumik nalilersuinerminni naliliipput, Kalaallit Nunaanni Namminersornerullutik Oqartussanit aningaasat tunniunneqartut, aningaasarsiatut (honorar) isigisariaqartut, taakkulu sullissinermut tunngassuteqanngitsut imaluunniit, namminersorluni inuussutissarsiummik ingerlataqarnermut tunngassuteqanngitsut. Namminersorluni inuussutissarsiummik ingerlataqarnertut nalilerneqassanersoq eqqartuineranut atatillugu, Akilerartarnermut Siunnersuisoqatigiit innersuussutigivaat, suliap inissimaneranik paasitinneqarneq tunngavigalugu, akissarsiaqaatigalugu pissarsiaqarnermi, aningaasatigut navianartorsiorneq, matumani ilaalluni taarsiisussaaitaanermut akisussaaffeqarnissaq, pineqartumi atuutinngitsoq.

Akilerartarnermut Siunnersuisoqatigiit aalajangiussaat

Akilerartarnermut Siunnersuisoqatigiit oqaatigivaat, akissarsianik tunniussinerit tassaasut aningaasarsiat A – t, taamaammallu akilerarutit A –t ilanngaatigineqassasut.